

興化府莆田縣志

卷十一 戒備志
卷十二 選舉志

興化府莆田縣志卷十一

戎備志

莆彈丸壤也洎宋徙軍治于茲上接三山下連
晉水遂屹然稱雄邑焉顧枕山環海鯨波恬則
四郊無壘羝藩觸則百里震驚明之患於倭亦
蹂躪矣

今代當清晏畫外職方胥得而縣鄙之復設提鎮
以壯屏藩水陸錯綜交相表裏又何潢池之弄
足爲內地虞哉第居安不能忘危有備斯以無

患詎曰伍兩可勿精而斥垓可勿戒耶因詳考
今昔設防之規亦牖戶綢繆意也作戎備志

官軍

宋太平興國中初置軍於游洋始有屯軍後移治莆
田始列兵騎營舍其制營一指揮每營軍不過數
百人其鎮守本州者謂之廂軍其自天子所來就
糧於州者謂之禁軍軍名不一隨時而立其指揮
各隨所立軍而爲之名如威果廣節保節壯城牢
城剩員寧節諸名號詳載舊志是也其提舉兵馬

則有兵馬都監及押監官而統馭之者郡太守也
故當時稱郡守曰郡將

元無郡志兵制不可考

明本府立興化衛又於極東地方立平海衛又於東

南地方立莆禧所隸平海衛

二衛一所皆募民入軍於各軍戶下丁多

清出者謂之餘丁繫名冊籍無事則聽其農業不
支月米有警則聽調征勦撥給行糧凡在城衛所
官吏旗軍糧米按月作數本府大有倉關支在外
衛所照依布政司坐派倉分關支按月造冊送府
查放

興化衛所屬左右中前後五千戶所每千戶所百

戶十員每百戶下總旗二名每總旗下小旗五名
每小旗下軍十名每所旗軍一千一百二十名本
衛共六千一百八十九名內操屯旗軍五千三十
九名出海旗軍一千一百五十名

平海衛洪武初詔民丁壯三名出防倭夫一名編
成行伍分撥平海衛五千戶所其置設百戶旗軍
名數俱與興化衛同繼因本軍顧戀鄉土潛離衛
城有悞防守乃以本衛軍與鎮海衛軍對調原額
旗軍五千五百一十六名內派南日海軍九百名

梟絲守城旗軍四千六百一十六名

莆禧守禦千戶所額設鎮撫百戶與各衛所同本

所旗軍先係防倭夫至是亦編入伍洪武二十五

年與銅山所對調原額旗軍一千二百二十一名

自成化後軍士陸續逃故隆慶間都督戚繼光以
卒伍散失守備卑弱磨編各軍下餘丁清選補額
與旗軍一體操練支糧續因汰革逃亡彌多收
補彌寡至萬歷四十一年視初額纔六之一耳

弓兵

各寨土軍迎僊巡檢寨屬莆田縣一百二十八人繫蓼

巡檢寨屬僊遊縣一百二十五人梟嶺巡檢寨屬興化縣七

十人已上三縣弓手祔以中等產戶揀差專切警捕不許他役熙寧祔許稅戶投名各破顧錢仍選人材少壯者克之元祐祔以第一等戶差之仍以產錢分上中下三等若不足於次等戶差有替法以次遞減紹聖復熙寧法政和中增大縣十五人中縣十人小縣五人爲獄子給重祿宣和間罷仍分立爲都頭副都頭節級教頭官給器仗願自給者聽尉仍別給並置軍注籍令丞同點檢修整

元制無考

明洪武初於本府東南建平禧衛所又以南日濱洲
至迎僊環海二百餘里踈節濶目非一衛一所能
遙制之乃於隙處又設六巡司曰迎僊因宋舊名曰冲
沁曰嵌頭曰青山曰吉了即宋紫鑿俱屬莆田縣曰小

嶼今改白嶺屬僊遊縣有寨城有官有各寨原額弓兵

各一百宏治十四年省作八十名共四百八十名
遞年均徭人戶內編簽名數分撥各寨供役催募
近地土民克當各從其便每名年給工食銀七兩
二錢嗣後兵興軍儲缺乏每歲均徭弓兵內各寨

抽出克餉五十名每寨止設十八名克餉者每名編銀七兩二

錢力差者每名編銀五兩餘銀並歸京餉萬歷十三年莆田縣知縣孫

繼有因廣業菁寇阻山謀亂議申院道更設人洋

巡檢司弓兵名數舊志

國朝將六寨所轄地方併分隸水陸官兵保守止置

迎僊涵江凌厝大洋四司每司弓兵數名捕村落

盜竊與縣尉捕役等不與守禦矣

民兵

明初衛所設置軍伍各寨巡司編簽弓兵皆以防禦

寇盜景泰間柄兵者建議凡臨欵失一軍以上與失機同罪而民兵之制起矣各縣逐年增減不定正德七年始以概祿丁糧通融編差莆田縣三百一十五名每名工食銀七兩二錢以甲有丁糧者爲正戶餘爲貼戶給與山帖聽各兵自催嘉靖十六年分爲二班每班各以半年爲期其下班與閒月不給工食昇平日久名數雖存無臻實用四十三年每名編銀一十兩八錢本兵給額銀七兩二錢其加編銀三兩六錢追徵解司備餉隆慶四年

莆田縣選汰二百名追銀招募鄉兵操練防守萬
歷元年鄉兵又裁革照舊追銀解府供應往衙客
兵月糧之用莆田縣止存機兵一百十五名以上
手哨探連接上司及
差解各役俱在內

國朝雍正二年部行各縣額設民壯五十名每名給
銀六兩分派鳥鎗弓箭長鎗不時操練務須技藝
嫻習皆堪應用給與工食以資捍禦卽古者寓兵
于農之意云云欽奉

臣諭以司道府縣及佐貳等衙門亦應召募壯丁防

護部議就各州縣所設壯丁內挑選壯健能軍者只留二十名餘俱改撥分隸効用計隸府民壯四十名同知通判衙門各二十五名經歷縣丞典史衙門或八名六名不等所有經費每年就通省裁汰解司王食內勻撥支給協濟苗以地當孔道在在需人防護經知縣修泌年詳請捐備工食照舊額存留至八年裁汰府壯丁八名同知通判各五名經歷四名縣丞一名俾衝繁州縣仍復原額十二年又奉文將府廳佐雜等衙門民壯全裁追

銀解司招募餘丁今只存莆田縣五十名聽縣調遣訓練爲守宿倉庫監獄計蓋民兵之設貴有實用我

朝節省無益之費不使虛糜盜息民安職是故也

客兵

明閩中陸設衛所海立水寨皆本縣軍兵原無客兵名目自嘉靖寇起始設叅遊帶領各處客兵至萬曆十三年專設中路守備一員以都指揮體統行軍轄福州興化平海泉州永寧各衛所軍弁興泉

二府陸路客兵守備衙門坐鎮本府取道里適均有警便於應援除泉州一營外本府二營初止分割城內民舍隆慶六年置營望仙門外曠閑去處每遇操練入城內教場較閱春秋二汛移屯平海莆禧吉了城內每營把總哨官雜役兵士共計六百二員名萬歷十九年添設一營曰興泉營本府北門外安置至二十年改爲興化新營俱守備領之二十五年以有朝鮮之警復設右營一營北門外西庚地方屯扎以舊營爲前營新營爲左營共

三營裁守備設遊擊領之三十一一年將右營一營
調守平海建營安插前左二營仍駐守府城團練
防禦汎期每營撥守一哨出守緊良文甲濱海扼
要地方量撥兵隊分扼三江汎畢撥兵二三十名
哨探信地以防不虞收汎全營操守續因餉缺議
減兵額每營官兵定額四百五十名前左右三營
共兵一千三百五十員名

水兵

宋元無考

明祐永寨三烽火門

屬福州

南日山

屬興化府

浯嶼

屬本

永泰間增置小埕

屬福州府

銅山

屬漳州府

共五寨後以各

寨在漲海中無援請移內港本府南日一寨移入

初安里吉了澳當時撥興化平海泉州三衛旗軍

充爲舟師各衛撥指揮一員總管所部之軍謂之

衛總又選各衛指揮才能出衆者曰把總行事視

都指揮而衛總聽節制焉

興化衛指揮一員

千戶以下官甲九員名軍四千戶

平海衛把總指揮一員

千戶以下官甲十員名軍七百七十名分駕官快哨

船十隻

泉州衛把總指揮一員

千戶以下官甲十員名軍三百三十五名分駕官快

哨船六隻

南北海洋哨捕百戶六員

甲軍二百六十九名分駕官快哨船六隻

守備雙嶼改移三江口指揮一員

千戶四員百戶三員甲軍二百

一十八名分駕官快哨船七隻

此年間巡撫張瑄欲軍休息分爲三班輪流更

代衛總一年一換把總五年一代其後武備廢弛

倭多由內港蓋內港山灣崎嶇賊舟窄小易趨淺